



Akcija **SIPA-e** i MUP-a ZHK kodnog naziva "Otok"

Uhapšena četvorica dilera droge

Privedeni D. V. (36), Z. P. (25) i A. B. (29) te R. K. (31), državljani Albanije

U koordiniranoj akciji kodnog naziva "Otok" pripadnici Državne agencije za istrage i zaštitu (**SIPA**), zajedno sa pripadnicima Ministarstva unutrašnjih poslova Zapadnohercegovačkog kantona, jučer su u jutarnjim satima na području Ljubuškog uhapsili četiri osobe i pretresli objekte na tri lokacije.

Uhapšeni su D. V. (36), Z. P. (25) i A. B. (29), državljani BiH, te R. K. (31), državljani Albanije, zbog sumnje da su počinili organizirani kriminal u vezi s neovlaštenim prometom droge. Ove aktivnosti realizirane su prema naredbama Suda BiH i Tužilaštva BiH, uz



Droga koju su pronašli pripadnici SIPA-e

podršku pripadnika MUP-a Hercegovačko-neretvanskog kantona i Granične policije BiH.

Uhapšeni se sumnjiče da



su, kao pripadnici organizirane kriminalne grupe, vršili neovlaštenu promet droge sa područja Hrvatske i Njemačke na područje BiH

te je dalje distribuirali u količinama od pet do 100 grama krajnjim preprodavcima i konzumentima na području HNK i ZHK.

Pretresom stambenog objekta, pratećih prostorija i dvorišta koje koristi D. V. pronađeno je skoro pola kilograma heroina, i to više od 400 grama miksano heroina, i skoro 65 grama heroina visoke čistoće i kvaliteta. Više osoba pozvano je u službene prostorije **SIPA-e** i MUP-a ZHK, gdje će biti saslušane u svojstvu svjedoka. Nakon saslušanja Z. P. i A. B. su pušteni na slobodu, dok će D. V. i R. K. biti predati Tužilaštvu BiH. **Dž. Bl.**